

Herriarrek proposatuko dituzte Beasain Kirol Sarietako hautagaiak

Azken eguneratzea: Astelehena, 15 Azaroa 2021 12:28

Argitaratua: Ostirala, 05 Azaroa 2021 14:31



Beasain aplikazioaren bidez, udaleko webaren bitartez eta Kiroldegiko harreran inprimakia betez, azaroaren 21a arte dago epea sarietarako hautagaiak proposatzeko

Udalerrian edozein esparrutan kirola sustatzen, bultzatzen edo emaitzetan nabarmendu diren beasaindarrak goretsi nahi dira sariekin

Beasain Kirol Sariak, Beasaingo Udalak duela bost urte abian jarri zuen egitasmoak bostgarren edizioa beteko du iaz pandemiaren eraginez izandako etenaldiaren ondoren. Udal gobernuaren ekimenez helburu nagusia da, Beasaingo edo Beasainen kirol alorreko jarduera bultzatzen, sustatzen edota emaitzetan nabarmendu diren pertsonen eta erakundeen aipamen berezia egitea eta jende aurreko aitortza eta esker ona adieraztea. Honela bada, Beasaingo kirolariak eta kirolaren inguruan lan egiten dutenei goraipamena egitea da asmoa eta herriarren edota norbanakoen esku uztea izangaiak aurkezteko aukera.

Aurtengo sari emate ekitaldia abenduaren 29an arratsaldeko 19:00etan egingo da Igartzako jauregian. 2021ko hautagaiak zein izango diren jakiteko herriarren iritzia jasoko da eta proposamenak biltzeko bideak hauek izango dira: telefonoetako Beasain aplikazioa, udalaren web-a eta Antzizar kiroldegiko harreran eskuragarri dagoen inprimakia bete eta bertan kokatuko den kutxan sartuz. Proposamenak egiteko epea azaroaren 14an bukatuko da.

Sariak bi kategoriatan banatuko dira, urteko kirol sariak eta ohorezko kirol sariak. Beasain Kirol Sarietan banatuko diren urteko kirol sariak hauek izango dira:

- Emakumezko kirolariari edo kirol taldeari saria
- Gizonezko kirolariari edo kirol taldeari saria
- Kirol jardunaldiari saria
- Erakunde babesleari saria
- Sari Nagusia

Beasaingo kirolari edo kirol taldeek kirol jardueretan izandako parte hartze nabarmenak edo lorturiko emaitzak aitortzeko asmoz beste aipamen batzuk egingo dira. 2021. urtean nabarmendu diren Beasaingo kirolarien lorpenak omentzea da helburua. Epaimahaiak eskumena izango du aipamen bereziak izendatzeko.

Izangaien proposamenak jaso ondoren, guztiak aztertu eta epaimahai bat osatuko da hautagaien merezimenduak baloratzeko eta sarituak aukeratzeko. Epaimahaiak Saridun guztiak aukeratu ondoren, hauen artetik erabakiko du zein den 2021ko Sari Nagusia jasoko duena. Dagokion oroigarriaz aparte, Sari Nagusiak oroitzapenezko plaka izango du Antzizar Kiroldegian, helburu horretarako egokituko den gunean. Bestalde epaimahaiak eskumena izango du aipamen bereziak izendatzeko.

Batzordeko lehendakariarekin batera epaimahaia honako pertsonen osatuko dute; Kiroleko arduradun teknikoa, Beasaingo Udaleko komunikazio arduraduna, eta Herritarrek Batzordeak proposatutako talde aholku-emaile bat ondorengo kideekin: Beasaingo kirolaren berri edota kirolari beasaingarren berri jarraitzen duen komunikabide edo kazetari bat, aurreko urteetako saridun bat, Kirol elkarteetako ordezkari bat, Kirol teknikari bat, eta kirolaren eta gorputz ekintzen esparruan ezaguna den pertsona edo entitatearen ordezkaria.

Ohorezko udal sariak

Atal honetan ohorezko bi sari emango dira, Kirol ibilbideari Ohorezko saria eta Ohorezko Beasain saria.

Beasaingo udalak eskumena izango du, egoki ikusiko balu, bi sari berezi hauek emateko. Ohorezko bi sariak Herritarrek Batzordeak proposatu eta Alkatetzak ebatziko ditu.

Sari hauen bidez Beasaingo kirolaren alde, edozein norbanako edo elkartek egindako lana jendaurrean goraipatu eta adieraziko da. Horretarako antolatuko den ekitaldian, aurrez erabakitako sail, kategoria eta genero bakoitzeko sarituari dagokion oroimenezko ikurra emango zaie. Sariak ohorezkoak dira, hau da, ez dute inolako ekarpen

Herriarrek proposatuko dituzte Beasain Kirol Sarietako hautagaiak

Azken eguneratzea: Astelehena, 15 Azaroa 2021 12:28

Argitaratua: Ostirala, 05 Azaroa 2021 14:31

ekonomikorik izango.